

TARIKH	19/11/2014	MUKASURAT	21
HARI	RABU	RUANGAN	NASIONAL.

APIC 2014 medan perkongsian idea kreatif dan inovatif



ANNUAL Productivity & Innovation Conference and Exposition 2014 (APIC 2014) adalah program kemuncak yang akan dianjurkan oleh Perbadanan Produktiviti Malaysia (MPC) pada 23-26 November ini, di Pusat Konvensyen Kuala Lumpur (KLCC).

Tiga acara utama MPC akan dijalankan secara serentak sepanjang tarikh tersebut iaitu Persidangan Produktiviti Asia Pasifik (APQC), Konvensyen Kumpulan Inovatif dan Kreatif peringkat Kebangsaan (ICC) dan Konvensyen Persekitaran Berkualiti (QE).

Tema APIC 2014 "Dari Idea ke Realiti" adalah bertepatan dengan intipati empat acara utama tersebut dalam menjana idea-idea penambahbaikan yang berterusan ke arah menjadikannya kenyataan untuk mencapai produktiviti yang lebih tinggi dari berdaya saing.

Objektif acara ini ialah:

- > Untuk mempamerkan amalan-amalan terbaik dan aplikasi yang praktikal mengenai produktiviti dan inovasi

- > Untuk membantu organisasi-

organisasi awam dan swasta dalam meningkatkan produktiviti dan meningkatkan keupayaan inovasi

- > Untuk menampilkan kumpulan yang cemerlang di kalangan ahli perniagaan terkemuka, industri, cendekiawan, pentadbir dan pakar-pakar produktiviti dari semua sektor industri untuk berkongsi pengalaman dan amalan terbaik

Sorotan acara-acara utama APIC 2014:

1. Persidangan Produktiviti Asia Pasifik (APQC)

Persidangan ini adalah medium perkongsian amalan dan aplikasi terbaik secara praktikal dalam aspek produktiviti dan inovasi oleh pemimpin industri serta sebagai pemangkin yang akan mempercepatkan perubahan dalam pengurusan ke arah lebih efektif dan membolehkan orang ramai, para eksekutif dan pengurusan atasan

menimba pengetahuan Persidangan ini juga memberikan platform bagi peserta untuk berinteraksi dan berkongsi idea serta pengalaman dengan ketua-ketua industri mengenai beberapa teknik penambahbaikan dan budaya kerja ke arah meningkatkan kecemerlangan organisasi.

2. Konvensyen Kumpulan Inovatif dan Kreatif peringkat Kebangsaan (ICC)

Memberi peluang kepada pemenang Konvensyen Kumpulan Inovatif dan Kreatif (ICC) di peringkat

Wilayah bertanding di peringkat Kebangsaan untuk membentangkan projek masing-masing dan bertukar-tukar idea dan pengalaman, serta menyediakan platform untuk pengamal ICC mempelajari amalan terbaik dari kumpulan ICC dari pelbagai sektor.

3. Konvensyen Persekitaran Berkualiti (QE/5S)

Satu platform kepada pengamal Persekitaran Berkualiti mempamerkan pencapaian mereka melalui sistem Persekitaran

Berkualiti dalam memupuk budaya kerja cemerlang di organisasi masing-masing.

Acara kemuncak bagi persidangan ini adalah perkongsian ilmu dari Pengerusi Air Asia X, Tan Sri Rafidah Aziz melalui tajuk, "Competing in the Global Economy: Leading through Productivity", Pengerusi Media Prima Berhad, Tan Sri Johan Jaafar dengan tajuk "Creating New Values for Sustainability", dan Pengerusi Asia Pacific Quality Organization (APQO), Dr. Charles A. Aubrey melalui tajuk "From Belts to Baldrige".

Lawatan Industri

Lawatan Industri di perkenalkan sebagai satu kelainan pada persidangan tahun ini, dengan menampilkan 6 buah organisasi sebagai tempat tumpuan lawatan.

Organisasi yang telah dipilih adalah Brahimi's, Proton, Perbadanan Putrajaya, Royal Selangor, Plus dan TNB (Power Station).

Tujuan ia diadakan adalah untuk memberikan pendedahan kepada peserta mengenai amalan terbaik (Best Practices) yang telah mendapat pensijilan dari MPC.



(Dari kiri) Timbalan Ketua Pengarah I MPC, Dato' Haji Ahmad Fadzil Bin Mahmud, Timbalan Ketua Setiausaha Pembangunan Industri MITI, Dato' Nik Rahmat Nik Taib, Ketua Pengarah MPC, Dato' Mohd. Razali Hussain dan Timbalan Ketua Pengarah II MPC, Dato' Abdul Latif Hj. Abu Seman ketika majlis perasmian APIC tahun lepas.